

Ўзбекистон Республикаси Мустақиллик куни — 1991 йил 1 сентябрдан чиқа бошлаган

Муассислар: Ўзбекистон Республикаси Хотин-қизлар кўмитаси, Болалар жамғармаси ва «Соғлом авлод учун» Халқаро жамғармаси

ҚАДРИНГ БАЛАНД БЎЛСИН, ЮРТИМ АЁЛИ

Баҳор ва ёш қари барчамизнинг қалбимизга хузурбахш туйғулар баҳи этгувчи 8-Март байрами... Онахонларимиз, опа-сингилларимиз, қизалоқларимиз байрами... Бу йилги байрамнинг файзу таровати бўлакча. Чунки, Президентимиз томонидан Инсон манфаатлари, Оила, Аёллар, Соғлом авлод йилларининг мантқий давоми сифатида жорий йилимиз «Оналар ва болалар йили» деб аталди. Шу асосда «Оналар ва болалар йили» Давлат дастури қабул қилинди. Унда Аёл - Опанинг, келажакимиз эгалари - фарзандларимизнинг соғ-омонлиги - оиладаги ва жамиятдаги бахту камолни кўзловчи кенг миқёсдаги тadbирларни амалга ошириш равшан белгилаб берилган.

8-Март айёми арафасида Ўзбекистон Республикаси Вазирлар Маҳкамасининг «Оила, Оналик ва болаликни ижтимоий ҳимоя қилиш» қотибияти мудир Танзила НОРБОВА билан суҳбатлашдик.

- Танзила Камоловна, яқинда БМТнинг XXIV сессияси бўлиб ўтди. Мажлисида «Хотин-қизлар камситилишининг барча шаклларига барҳам бериш тўғрисида»ги Халқаро Конвенцияга аъзо давлатлар қатори Ўзбекистон делегацияси ҳам қатнашди.

Авалло БМТнинг «Хотин-қизлар камситилишининг барча шаклларига барҳам бериш тўғрисида»ги Конвенцияси республикамизда қандай амалга оширилаётганлиги ҳақида сўзлаб берсангиз.

- Маълумки, Ўзбекистон Республикаси ўз мустақиллигини кўлга киритгач, инсон ҳуқуқлари оид кўплаб халқаро ҳужжатларга қўшилди. «Хотин-қизлар камситилишининг барча шаклларига барҳам бериш тўғрисида»ги Конвенция Республика Олий Мажлиси томонидан 1995 йил ратификация қилинган эди.

Бизнинг республикамизда мазкур Конвенцияни амалга ошириш, жамиятда хотин-қизларнинг ҳуқуқий ва амалий тенглигини таъминлаш ишлари асосан олти йўналишда олиб борилди.

Биринчи йўналиш - хотин-қизлар ҳуқуқларини ҳимоя қилиш юзасидан қонунчилик асосларининг яратилиши. Конвенциянинг асосий қондалари Конституциямизда, Оила, Фуқаролик, Жиноят кодекслари ва бошқа қонунларда ўз аксини топган. Шунингдек, 70 та қонунчилик ҳужжатлари хотин-қизларнинг асосий ҳуқуқлари ва эркинликларини ҳимоялашга алоқадордир.

Иккинчи йўналиш - мамлакатимизда хотин-қизлар ҳуқуқларини ҳимоялаш юзасидан институционал тизимнинг ташкил этилиши. Бу ўринда Республика Олий Мажлисининг бандлик ва аҳолини ижтимоий ҳимоя қилиш кўмитаси, Аёл ва оила муаммолари комиссияси, Вазирлар Маҳкамаси, барча вилоятлар, туман ва шаҳарлар ҳокимликлари таркибида Оила, оналик ва болаликни ижтимоий муҳофаза қилиш қотибиятларининг ташкил этилиши БМТ кўмита аъзоларида катта таассурот уйғотди. Шунингдек, Оила, Аёллар муаммолари Бош вазир ўринбосарига юклатилгани ҳам ижобий баҳоланди.

Учинчи йўналиш - хотин-қизлар ҳуқуқларини ҳимоя қилиш мониторинги ўтказилаётганидир. Инсон ҳуқуқларини таъминлаш юзасидан республикамизда Олий Мажлисининг инсон ҳуқуқлари бўйича вакили (Омбудсман), Омбудсман қoшидаги фуқароларнинг конституциявий ҳуқуқлари ва эркинликларини таъминлаш комиссияси, мамлакат Парламентини қoшидаги Амалдаги қонунлар мониторинги институти, Инсон ҳуқуқлари Миллий маркази фаолият кўрсатмоқда.

Омбудсман ва Республика хотин-қизлар кўмитаси ҳамкорлигида хотин-қизлар ҳуқуқларини амалиётга тад-

ни мустаҳкамлаш борасида ижобий натижаларга эришмоқдалар.

- **Ҳукуматимизнинг хотин-қизлар масалалари юзасидан юргизаётган фаолиятига БМТ анжумани қатнашчиларининг баҳоси ҳамда бу борада ўз ечимини қўтиб турган муаммолар ҳақида тўхталсангиз.**

- БМТдаги маърузамизнинг асосий қисми хотин-қизлар учун билим олиш, тиббий хизмат кўрсатилишидаги тенглик, қулай меҳнат шaroитида ишлаш ҳуқуқи, уларнинг иқтисодий ҳуқуқларининг амалдаги таъминланиши, хотин-қизлар учун янги иш ўринларини ташкил қилиш, тadbиркорликни ривожлантириш масалаларига бағишланди.

Айниқса, Ўзбекистон ялпи аҳолисининг саводли эканлиги, олий ёки ўрта маълумот эгаси бўлаётганларнинг ҳар иккинчиси аёл эканлиги, олий ўқув юрти талабаларининг 37 фоизи хотин-қизларни ташкил этиши ҳамда юртимизда Кадрлар тайёрлаш Миллий дастури ва «Таълим тўғрисида»ги Қонун ҳаётга жорий этилаётганлиги, истеъдодли ёшларни қўллаб-қувватловчи махсус жамғармаларнинг ташкил этилиши, Зулфия номидаги Давлат мукофотининг таъсис этилиши анжуман иштирокчиларини ҳайратга солди.

Анжуманда иштирок этарканмиз, бизнинг мамлакатимизда хотин-қизларга нисбатан мисли йўқ сиёсат ўтказилаётган бир даврда бошқа мамлакатлар хотин-қизлари эркаклар билан тенглик, қашшоқликдан қичиш, билим олиш ёки тиббий хизмат олиш учун ўз ҳуқуқларини талаб қилаётганларига гувоҳ бўлдик.

БМТнинг махсус Комиссиясида Ўзбекистонда хотин-қизлар масалалари ижобий ҳал қилинаётганлигини қайд этилди. Улар томонидан 200 га яқин саволлар берилди.

1997 йилдан буён Инсон манфаатлари, Оила, Аёллар, Соғлом авлод ва нихоят Оналар ва болалар йиллари муносабати билан мамлакатимизда жорий этилаётган махсус давлат дастурлари ва уларга сарфланаётган харажатлар, аёл ва оила, аёл ва маҳалла, оила ажримлари, ёшларни ҳаётга тайёрлаш, оилада эркакларнинг ўрни каби масалаларга катта эътибор қаратилди.

«Хотин-қизлар камситилишининг барча шаклларига барҳам бериш тўғрисида»ги Конвенция қондаларининг Ўзбекистон ҳукумати томонидан амалиётга тadbик этилиши БМТда ижобий баҳоланди ва бу борадаги фаолият давом эттирилиши лозимлиги тавсия қилинди.

Ҳукуматимиз томонидан олиб бoрилаётган саъи-ҳаракатлар ўзининг ижобий натижасини кўрсатмоқда. Республикада йилдан-йилга оналар ва болалар ўлими камайиб бoрмоқда, аёллар ўртасида уч-райдиган турли экстрагенитал хасталикларни даволаш ишлари кучайтирилмоқда.

Шунингдек, оилавий ажримлар, балоғатга етмасдан турмуш қуриш ёки турмуш қурмасдан она бўлиш ҳоллари ҳам борган сари камайиб бoрмоқда.

Бизнинг олдимизда хотин-қизларимизнинг ҳуқуқий саводхонлигини ошириш, уларнинг фаолигини янада тақомиллаштириш, қишлоқдаги опа-сингилларимизнинг турмуш даражасини яхшилаш, улар учун янги иш ўринларини ташкил қилиш каби муаммолар - долзарб масалалар бор.

Мамлакатимизда Аёлга - онага кўрсатилаётган эътибор, ҳурмат-эъзоз хотин-қизларга беқиёс куч, руҳ бағишлайди, муқаддас Ватан равнақи йўлида фидоий бўлишга ундайди.

Мен шу ўринда барча онахону опа-сингилларимизни гузаёл байрамимиз - 8 Март билан табриклаб, уларга энг эзгу тилакларимни ихсдор этаман.

Ҳадам ТҮЙЧИЕВ суҳбатлашди



«Умр йўли». Рассом М. АШУРМАТОВ асари асосида коллаж.

биқ этилишини назорат қилувчи махсус Маслаҳат-таҳлил Кенгаши ташкил этилган.

Тўртинчи йўналиш - мамлакатимизда хотин-қизлар нодавлат ташкилотлари фаолиятининг тақомиллашишидир. 2001 йилга келиб 100 га яқин нодавлат ташкилотлари хотин-қизларнинг жамиятдаги ўрнини ошириш, уларнинг ҳуқуқий, тиббий саводхонлигини яхшилаш, касбга ўргатиш каби масалалар юзасидан барча даражадаги хотин-қизлар кўмиталари билан яқин ҳамкорликда фаолият кўрсатмоқдалар.

Бешинчи йўналиш - хотин-қизлар ҳуқуқлари ва эркинликлари бўйича аҳоли ўртасида тарғибот ва ташвиқот ишларини ривожлантиришдир.

Олтинчи йўналиш - хотин-қизлар ҳуқуқларини таъминлаш мақсадида халқаро ҳамкорликни ривожлантириш ишларидир. Ўзбекистон хотин-қизлар ташкилотлари қатор давлатларнинг тегишли ташкилотлари билан алоқалар-



“Аёлларни қанча улуғласак, ҳаётимизнинг чироғи, умримизнинг гули деб эъзоласак, демакки, оиламизни, Ватанимизни эъзоллаган бўламиз”.

И. КАРИМОВ

МУКОФОТ МУБОРАК

Бизга нафосат, гўзаллик, ёшлик, яшарлиқ байрамларини бошлаб берувчи баҳорнинг ilk кунларида юртимиз бўйлаб яна бир хушxabар тарқалди. Ўзбекистон Республикаси Вазирилар Махкамасининг Қарорига асосан адабиёт, маданият, санъат, фан, таълим йўналишлари бўйича ўзининг ноёб истеъдодини намойиш этган бир гуруҳ иқтидорли қизларимиз Зулфия номидаги Давлат мукофотига сазовор бўлдилар. Биз Зулфия мукофоти совриндорларини қизғин муборакбод тараққийлатиш, Ватан шаън-шавкати, эл бахт-саодати йўлида ҳормай-толмай иштироб, изланиб яшашларини тилаб қоламиз.



ЖУРНАЛИСТ АЁЛЛАР МАМНУН БЎЛИШДИ

Яқинда Ўзбекистон Миллий матбуот марказида журналист аёллар учун 8-Мартга бағишлаб байрам тадбири бўлиб ўтди. Журналист аёллар клубининг

раиси Муътабархон Каримова бошчилигида ўтган бу анжуманда шеърлар, куй-қўшиқлар янгради, мукофотлар тарқатилди. Шунингдек, байрам тадбири-

га Муқимий номидаги мусикали драма театрининг бир гуруҳ санъаткорлари ўз куй ва қўшиқлари билан фойз киритишди.

О. КУРИМАТОВ туширган сурат

Зулфия номидаги Давлат мукофоти билан тақдирланганлар:

Мамутова Диана Сабитовна - Қорақалпоғистон Республикаси Кўнғирот туманидаги 83-мактабнинг 7-синф ўқувчиси.

Кўчқорова Хилола Норқўзиёвна - Андижон Давлат университети "Ботаника ва экология" кафедраси ўқитувчиси.

Раҳмонова Навбахор Халиловна - Бухоро вилояти Шофиркон туманидаги 4-мактабнинг 11-синф ўқувчиси.

Ражабова Дилфуза Шавкатовна - Жиззах Давлат педагогика институти қошидаги иқтидорли ўқувчилар лицейининг 11-синф ўқувчиси.

Холматова Шаҳноза Бахтиёрқизи - Қашқадарё вилояти Шаҳрисабз тумани Алишер Навоий номидаги 102-ихтисослашган мактабнинг 7-синф ўқувчиси.

Исанова Зебинисо Холмуродовна - Навоий Давлат қончилик институти қошидаги лицей-интернатнинг 11-синф ўқувчиси.

Мирзакарпова Холида Тўрамирзаёвна - Наманган вилояти Янгиқўрғон туманидаги 33-мактабнинг 7-синф ўқувчиси.

Асқарова Гулжамол Шодмонновна - Самарқанд вилояти Каттақўрғон тумани "Хилол" газетасининг ходими.

Зойитова Шахло Набиевна - Сирдарё вилояти Меҳнатобод тумани халқ таълими бўлимининг ёшлар билан ишлаш бўйича мутахассиси, 1-мактаб ўқитувчиси.

Холмуродова Зебунисо Баҳодиржоновна - Сурхондарё вилояти Сарийоси туманидаги 4-мактабнинг 11-синф ўқувчиси.

Тургунбоева Гулноза Тоштемировна - Тошкент вилояти Паркент туманидаги 12-мактабнинг 11-синф ўқувчиси.

Тешабоева Муҳайё Жўрабоневна - Фарғона вилояти Риштон туманидаги 12-мактабнинг 9-синф ўқувчиси.

Рўзметова Малоҳат Эркинбоевна - Хоразм вилояти Богот тумани Бобур номидаги 1-мактабнинг бошланғич синф ўқувчиси.

Тўхлиева Наргиза Боқижоновна - Тошкент шаҳар Алишер Навоий номидаги Нафис санъат лицейининг 11-синф ўқувчиси.

ЎЗБЕК АЁЛЛАРИНИНГ КЎРКИ ЎЗГАЧА...



Мен санъаткорман. Хизматимиз тақозоси билан жуда кўп мамлакатларда бўлганимизда аёллар борасида бир нарсага аҳамият берганман. Бошқа юртдаги аёллар ҳам ўз холича гўзал, меҳнатқаш. Бироқ ўзбек хотин-қизларининг фойзу-таровати ўзгача ақаллиги рости. Уларнинг кўчада юришлари ҳам, оила даврасидаги муносабатлари ҳам ниҳоятда латиф ва шарқонаки, уни таърифлашга сўз топиш қийин.

Аёлларимизнинг гўзаллигини баҳорга қиёс этишати. Бу бежиз эмас. Ахир аёлларнинг юзиданда, ҳар сўздан-да баҳор ва гул исси уфуратгандек туюлиши рости-ку! Уларсиз дунёнинг хувиллаб қолиши ҳам айни ҳақиқат.

Муътабар оналаримиз соғу-саломат бўлишсин. Бу дунё ҳеч қимми она меҳридан бемаҳалда айирмасин. Қадим-қадимдан аёлларимизнинг гўзаллигини рассомлар бетакрор асарларида яратишган бўлса, шоирларимиз улар ҳақида дилбар ашёрлар ёзишган. Ҳар бир санъат асарининг энг юқори чўққисидида мунис оналаримиз, фариштасийрат келинчақларимиз ва лобар қизларимиз сиймоси туради.

Мен шу азиз ва табарруқ заминимизда яшайтган хотин-қизларимизни баҳорнинг энг гўзал байрами - 8-Март билан Ҳамза театрининг барча санъаткорлари номидан муборакбод этаман. Янги асримизнинг ilk баҳор байрами уларга бир олам шодлик келтиришини тилаб қолам.

Ёқуб АХМЕДОВ, Ўзбекистон халқ артисти

ҚАРДОШЛИК ҚУТЛОВЛАРИ

Бутун Ўзбекистон халқини улуг айём - Қурбон хайит байрами ҳамда гўзал аёлларни баҳор ва гўзаллик байрами - 8-Март билан табриклайм.



Мен Мустақиллигининг шонли 10 йиллигини нишонлаш арафасида турган қардош Ўзбекистон халқини яқинлашиб келаятган Қурбон хайити (ийд-ал-адха) билан ҳамда меҳри дарё оналар ва бир-биридан сулув қизларни Халқро хотин-қизлар байрами - 8-Март билан чин қалбимдан табриклайм.

Ўзбекистон ва Туркия халқларини илдизи бир бўлган дарахтга ўхшатган бўлардим. Тилларимиз, қадриятларимиз, ҳатто байрамларимиз ҳам ўхшаш, ўзакдошдир.

Мен қардош Ўзбекистон халқига, оналарига тинчлик ва хотиржамлик тилаб қолам.

Юртингизда ҳамиша тинчлик ва осойишталик ҳукм сурсин.

Вадет ЗАИМ, SHARK MIR LTDга қарашли "MIR" супермаркети Бош директори

"Оила ва жамият" газетаси мухлисларига, бутун Ўзбекистон халқига соғлиқ ва омонлик, барқарорлик ва тинчлик тилаб қолам.

Мурат ЭРТОРЕР, "Демир" шўъба корхонаси ижроия директори

ЙЎЛЛАРИНИНГ ГУЛГА ТЎЛСИН!

Ўзбекистон халқини барча мусулмонларнинг қутлуғ айёми Қурбон хайити ва ўзбек диёридаги барча хотин-қизларни гул ва баҳор, гўзал-

лик байрами билан элчихонамиз номидан табриклайм. Уларга соғлиқ, саодат ва фарзандларининг қамолини кўришдек эзгу бахт ёр бўлишини истайм.

Ушбу йилда ўзбекистонлик барча хотин-қизларнинг юрган йўллари баҳорий гулларга тўлсин!

ЧАНГ ХУН, Корея Республикасининг Ўзбекистондаги элчиси

СИЗ - ИЛҲОМИМИЗ ЧАШМАСИ



Рассомлар аёлларни гулларга қиёслашади. Ҳақиқатан ҳам аёллар гўзаллик, нафосат рамзи. Улар хонадонимиз таянчи, ҳаётимиз чироғидирлар. Аёл сиймоси айниқса санъат аҳли учун беқиёс илҳом, ижод манбаидир. Дунёдаги энг гўзал санъат асарлари, энг гўзал ҳароратли шеърлар, энг буюк кашфиётлар Аёлга бўлган муҳаббат туйғули бунёд бўлган. Чунки, Аёл - она, Аёл - бунёдкор, Аёл - илҳом чашмаси...

Аёлларимизни улуг айёмлари - 8-Март билан чин қалбимдан табриклайм. Доимо соғ-саломат бўлишсин. «Оналар ва болалар йили»да барча эзгу тилаклари ижобат топсин, меҳр-оқибат, нафосат уларни ҳеч қачон тарқ этмасин.

Ортиқ ФАЙЗУЛЛАЕВ, Ўзбекистон халқ рассоми, Ўзбекистон Бадий Академиясининг фахрий академиги


ҲАР БИР ОИЛАГА БАХТ-САОДАТ ЁР БЎЛСИН

Ўзбекистон халқи 1,5 миллиард мусулмонлар қаторида бир-бирига бўлган меҳру оқибатлари билан Қурбон хайитини муносиб қутиб олмақдалар.

Имкониятдан фойдаланиб халқимизни муқаддас Қурбон хайити ҳамда баҳордек гўзал, қуёшдек чехрали муътабар онажону, опа-сингилларимизни 8-Март айёми билан чин юракдан қутлаймиз. Омонлик, бахт-саодат ҳар бир оилага ёр бўлсин.

М. АБДУВАХОБОВ, "Зарафшон" ресторани жамияти раиси

ОЛАМ ГЎЗАЛЛИГИ СИЗДА МУЖАССАМ МУҲТАРАМА АЁЛ



ВАТАН ДЕБ ЯШАСИН...

Оналик бахтининг хислатларидан маст,
Фарзандин қошида парвона жонман.
У масъум жилмайса кулади олам,
Фарзандга жон фидо, меҳрга конман.

Меҳрим булоғига қондирай уни,
Бир умр бу ҳисга бўлмасин ташна.
Қариндош-уруғи, элу юртига,
Меҳри бўлсин унинг туганмас чашма.

Қалбига Ватан деб аталмиш сўзни,
Кўкрак сугим билан ёзиб кўяйин.
Оқ сутни меҳрнинг риштаси қилиб,
Фарзандим шу юртга маҳкам боғлайин.

Бу ришта мустаҳкам, узолмас ҳеч қуч,
Кучли довулга ҳам беради бардош.
Бу ипни узолмас ҳеч битта ғаним,
Ватанфуруш ҳеч бўлолмас йўлдош.

"Алп" деган сўз билан чиқарай тилин,
Алломиши бўлсин мустақил элнигин.
Тўмарис деб чиксин қизимнинг тили,
Шу каби онаси кўпайсин халқнинг.

Шу юртга тўқилган Жалолиддиннинг
Киндигидан оққан бир томчи пок қон.
Шундай мард ўғлонга ватандошлиғи
Келтирсин боламга доим шараф-шон.

Темурдек ажоднинг насли эканин
Онига синдирай, асл эр бўлсин.
Ватан хоинлари билан курашда
Темурдек курашсин, мисли шер бўлсин.

Юртимнинг сарҳадсиз кенгликларини
Фарзандим кўзига жойлаб кўяйин.
Кўз очса, кўз юмса, шу юрт кўринсин,
Ватан деб яшасин, Ватан деб ёнсин.

Шунда мен энг бахтли она бўлман,
Юрагим фахрга, шодликка тўлгай.
Шунда мен боламдан рози бўлман,
Шунда фарзандимни Аллоҳ кўллагай.

Халима САМАНОВА
Сирдарё вилояти,
Ховос тумани

ЮЗИНГИЗ ОФТОБДАЙ...

Юзингиз офтобдай нур таратгувчи,
Кўзингиз сеҳрдан ишқ яратгувчи.
Оламни ўзига хуш қаратгувчи,
Илохий мўъжиза жамолсиз,
Сиз аёлсиз.
Сиз-ку аввалбошдан оламга тиргак,
Ишқ, имон йўлида собити сергак.
Сиз борсиз иқболга ёрдиҳ ҳар эркак,
Бахтиёр мўминга жуфти ҳалолсиз,
Сиз аёлсиз.
Сиз она - дунёни пинжига олган,
Сиз келин - бешикка термулиб толган.
Аллоҳ кўксингизга меҳр, ризқ солган,
Ҳар фарзанд кўйида озурахолсиз,
Сиз аёлсиз.
Туйганим, билганим, боримни ёздим,
Куйганим, андишам, хоримни ёздим.
Суйганим, дилда дард, зоримни ёздим,
То қиёмат қадар офтобжамолсиз,
Сиз аёлсиз.

Дўстмухаммад ДЎСТ,
Тошкент Давлат Юридик
институтини қошидаги академик
лицей ўқитувчиси

МЕНИНГ ЖОНИМСИЗ

Онажоним, менинг жонимсиз,
Хафа куним - меҳрибонимсиз.
Ҳаёт ели эгса қаддимни -
Тирговучим, ҳам посбонимсиз.
Дилда не кечади, сўзсиз сезгучи,
Эрқалансам қувонч ила қулгучи.
Танҳогинам, нияти эзгу - Сиз,
Хато қилсам, виждонимга кўзгу - Сиз.
Ҳаёт мен-чун, билсангиз бир ўйиндир.
Юзингизда қулгу кўрмоқ - тўйиндир.
Ранжиган кунингиз менга - ўлимдир,
Дўстларимдан дўстсиз, Улусгиз сўзсиз!

Фарҳод РИХСИЕВ
Жиззах шахри

ГЎЗАЛ ГУЛЛАР КАБИ...

Гўзал гуллар каби беқиёс аёл,
Этти бор эгилиб сўрар бўлса хол.
Тенги йўқ оламда гўзаллар гули,
Одобда гўзалроқ бўлмаса аёл.
Танҳоликда буюк пайгамбарлар ҳам,
Аёлга бош эгди, азиз онам деб.
Тенгсиз гўзаллик ҳам топилмас эди,
Бу қадар оқила бўлмаса аёл.

Маҳмадўст САДИНОВ
Қашқадарё вилояти,
Чирокчи тумани

ЎЗБЕКНИНГ ФАХРИЮ ҲАМ ЭРКАСИСАН

Жуфти ҳалолога содиқ вафоли,
Узоқда бўлганда паноҳ хаёли.
Вафода ягона, хаё, иболи,
Дунёда тенги йўқ Ўзбек аёли.

Қолишмайди хуснинг парию, хурдан,
Оташ нигоҳларинг жаннатий нурдан.
Марваридсан, аёло бир шода дурдан,
Дунёда тенгсизим - Ўзбек аёли.

Сурмалар қилсинлар хоқу, пойингни,
Тенги йўқ оҳу кўз, қошу ёйингни.
Жойнамоз билсинлар юрган жойингни,
Дунёда тенги йўқ Ўзбек аёли.

Саранжом саришта уй бекасисан,
Ўзбекининг фахрию ҳам эрқасисан.
Муҳаббат юртининг маликасисан,
Дунёда тенгсизим - Ўзбек аёли.

Дилдора АЪЗАМОВА
Навоий вилояти



ДАРДКАШИМ

Шоирлар бор ўз шеърیدا,
Мадҳ этади ўз ёрини.
Шоирлар бор жўшиб қуйлар,
Она-Ватан, диёрини.

Онажоним менинг дардим,
Олгучи дардқашимдир.
Меҳрибоним юрагимни
Билгучи сирдошимдир.

Гар ёнимда сиз бўлсангиз,
Ўзимни хуш сезарман.
Меҳрингиз оламида мен,
Мисоли куш учарман.

Барно СУЛАЙМОНОВА
Тошкент

МЕҲРУ САХОВАТИМИЗ - БОЛАЛАРГА

Яқинда Ўзбекистон Болалар жамғармасининг Пленуми бўлиб ўтди. Унда 2000 йилдаги иш фаолияти аёнлари ва "Оналар ва болалар йили" Давлат дастурининг бажарилишини таъминлаш борасидаги вазифалар муҳокама этилди. Республика Болалар жамғармаси раиси Инқилоб Юсупова Пленумда сўзга чиқди.

- 2001 йили - «Оналар ва болалар йили» «Соғлом авлод йили»нинг мантиқий давомидир,- деди у. - Чунки, аёли фарзандсиз тасаввур қилиш мумкин эмас. Жумладан, ўтган йил давомида етим ҳамда ногирон болаларга аяқдан ёрдам бериб, мурувват кўрсатиш, шунингдек кам таъминланган кўп болали оилалар, боқувчисини йўқотган оилаларни ижтимоий, моддий, маънавий ва ҳуқуқий муҳофаза қилиш бўйича қатор ишларни амалга оширдик. Жумҳурият микёсида ўтказилган мониторинг ва тренинг семинарлари Ўзбекистон Болалар жамғармасининг ЮНИСЕФ, "Болаларни қутқаринг" фонди (Буёк Британия), "Каун-



терпарт Интернейшнл", "Ворлд Концерн", ПЭРРЦА, "Мерси прожект" халқаро ташкилотлар билан ҳамкорлиги тобора яхшиланиб борилаётганлигидан далолат.

2000 йилда Ўзбекистон Болалар жамғармаси томонидан 900 нафар кам таъминланган оилалар болалари, етим ва ногирон болаларга беш ярим миллион сўмдан ошиқ маблағ сарфланди. Шунингдек, йил мобайнида халқаро хайрия

ташкилотлари билан ҳамкорликда кўп болали муҳтож оилалар, етим ва ногирон болаларга кийим-кечак, оёқ кийимлари ва юмшоқ ўйинчоқлар хайрия қилинди.

Ўзбекистон Болалар жамғарма-

Ўзбекистон Болалар жамғармаси фаолиятдан

ЮНИСЕФ билан ҳамкорликда гиёҳвандликнинг фожеали оқибатлари ҳақида "Буни сен билишинг керак" деб номланган буклетлар тайёрланди. Шунингдек, "Кўча болалари" дастури бўйича олиб бораётган ишларимиз ҳам ҳозирги кунда ижобий самара бермоқда. Жорий йилда ҳам кўп болали, етим ҳамда ногирон болалар, меҳрибонлик уйларида ва интернатларда тарбияланаётган болаларни моддий, маънавий ва ҳуқуқий муҳофаза қилиб, қўллаб-қувватлашга қаратилган чора-тадбирларни аниқ белгилаб олганмиз. Бу борада халқаро ташкилотлар билан ҳамкорликни янада кучайтиришимиз зарур.

Анжуман давомида "Кундуз" акциядорлик жамияти томонидан кам таъминланган оилалар фарзандларига мўйнали пўстинлар ҳада этилди.

Пленумда «Оналар ва болалар йили» да Республика Болалар жамғармаси ва унинг бўлиmlари олдига турган ишлар режаси аниқ белгилаб олинди.

Ф. ТОҲИРОВА
Суратни О. НУРМАМАТОВ олган

